



Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqquut imaattoq saqqummiuppara:

Naalackersuisunut apeqquutit:

- 1. Tasiusami Upernaviup pigisaani ukiunerani imeqarniarnikkut ajornartoortarneq qaangerniarlugu Naalackersuisut qanoq pilersaaruteqarpat?**
- 2. Tasiusami Upernaviup pigisaani imeqarfiup aaqqinneqarnissaanut Naalackersuisut aningaasanik immikkoortitsinissamut pilersaaruteqarpat?**
- 3. Tasiusami imeqarfik ukiuunerani imaaruttarnera qaangerniarlugu tatsimut allamut atassusiinissaq qaqugu aaqqinniarneqarpa?**

(Inatsisartunut Ilaasortaq Hans Enoksen, Partii Naleraq)

Tunngavilersuut:

Tatsimut allamut attaviliinissamut atortussat ukiut arlalinngoraat uningaannartut oqaatigineqarpoq, tassalu imeqarfiup eqqaani qaqqamut inissineqarsimallutik, ulloq mannaluk tikillugu suliarineqanngitsunik, naak ukiukkut ajornartorsiut taanna tassalu imermik ajornartorsiulertarneq takkuttuaannaraluartoq.

Ajornartorsiummik taamatut nalaassisarneq nunaqarfimmiut aalisarnikkut periarfissaannut annertuumik killiliisarpoq, tassami qaleraleqarfissuarmi Tasiusaq inissisimavoq aalisarnerullu unitsinneqartarnera nunaqarfimmiut aalisartullu eqqarsaatigalugit pissusissamisuunngilluinnarpoq.

Tassami nunatta aningaasatigut inissisimanera pitsaanngitsoq pitsaanerulissappat aporfiit tamakku piiarneqartariaqarput, avammummi niuernerput suli ingerlalluarnerusinnaammat, inuillu aalisarnikkut periarfissarissaartut aporfissalersornagit ingerlatsigutta aamma aalisartut nunarpullu aningaasarsiorluarsinnaanerulissammata.